

WANDROUS

N° 343 Fréileng / Päischtmount 2013

avril / mai



Kënnt 5 mol pro Joër eraus / Abonnement 25.00 Euros / CCPL: LU 82 1111 0498 5493 0000



Chefredakter: Guy MOYANO
Verantwortlech vir den Drock an d'Verschécken: Groupe LBB
E-mail: wandrous@lionsbleus.lu / Tel: 49 50 51
<http://www.lionsbleus.lu>


Lies d'Wandrous da baste ëmmer up to date!!!



Wandrous Publicitéit



Waart braucht Du vir Geld ze spueren?*



Loscht op schick Sportkléder oder Sportmatériel!
Eng gültig Memberskaart vun den LIONS BLEUS!
Den VIKING-ADVENTURES zu Tréier!

Paulinstrasse 25
D-54292 Trier



**d'LIONS BLEUS
kaafen beim
VIKING-ADVENTURES!**

* op all Akaaf kris du 10% wanns du deng gültig Lions-Bleus Memberskaart weis!
an zum Schluss vum Joër kritt den Groupe eng Ristroume op dem Joresëmsatz!



www.viking-adventures.de

Opruff Wandrous - Redakteur

Léif Wandrous-Lieser,

elo gett et Wandrous schon **38 Joer** an et as eng flott an lieweg Zeitung, déi jidderengem vun eis en Grinsen an't Gesiicht zaubert wann se an der Boite léit, alleng nemmen wann een Reckseit dovunner kuckt. Sie erméiglecht awer och den Wëllef, Scouten, Explorerer, ... hieren Programm ze kennen an och hier flott Rapporten vun den Campen dran ze bringen. Mee een leschtegen Punkt as natierlech och den "Et schengt / Et schengt net", wéi och déi flott Fotoen déi dran sin.



Sou elo as et awer esou, dass dei aktuell Wandrous-Redaktren Méiglechkeet net méi hun d'Wandrous zesummen ze stellen well dei ze vill aaner Verpflichtungen hun. Merci schon am Viraus fir är super Arbescht.

Elo den Opruff un Iech alleguer, huet een Loscht an Zeit des Charge ze iwerhuelen? Waat as d' Aufgaab do derbai? Ma ganz einfach, du muss dech bessi mam Computer auskennen, déi verschidden Dokumenter (Rapporten, Programm, Fotoen, ...) zesammensammelen, se flott an dynamesch dann op e puer Seiten bringen. Et mussen och keng 20 Seiten sin, mat e puer Seiten gin mir eis och zefriden.

Et wier flott wann een sech giff mellen fir **den neien Wandrous-Redakteur** ze gin sou, dass mir eis't Grinsen nach wéider kennen haalen wann mir Boite opmachen.

Falls du also interesseiert bass des Charge ze iwerhuelen, da mell dech w.e.g beim der aktueller **Wandrousredaktioun per mail: wandrous@lionsbleus.lu**. Si gin der déi néideg Äntwerten op deng Froen. Merci !!!

är Wandrousredaktioun



Beaver on tour

vun der FNEL



Moien Beaver,

Den 20. Abrëll 2013 ass eis Welt faarweg ! Egal op's du brong, blond oder rout Hoer hues, egal op déng Aen blo, gréng oder brong sinn, oder ob's du eng hell oder deischer Hautfaarw hues, egal waat déng Lieblingsfaarw ass an egal wéi eng Faarw däin Foulard huet, komm mat op den Fetschenhaff fir zesummen mat aneren Beaver aus dem ganze Land e flotten an faarwegen Nomëtten ze verbréngen.

Verkleed dëch am Thema Amerika,
bréng vill Energie an gudd Laun mat op den Rendezvous um Cents beim neien QG...
(61A, rue de Trèves L-2630 Luxembourg) um 14:00 Auer.

Um 17:45 Auer kënnen déng Elteren dëch nees op den Fetschenhaff an eisen neien Quartier Général sichen kommen, an dobei sinn wann mir der FNEL en Udenken un dësen Daag iwwerrechen, deen dann am QG ausgestellt gët.

Fir eng kleng Stärkung ass och gesuergt an du brauchst just:
e Bidon mat Waasser, dem Wieder ugepassten Kleeder an e puer Schlappen fir dobannen.

Daat Ganzt kascht 8 Euro,
déi bis den 30. März 2013 op den Beaver-Kont : CCPL IBAN LU87 1111 2571 8942 0000
(Mentioun: BV-Funday + Numm vum Kand) iwwerweisen solls.

Soo eis bis spéidstens den 15. März 2013 bescheed, ops du kanns matgoën! (sief per Sms, E-Mail oder Telefon)



Beaver Klack
déng Cheffen Nora, Lena an Maiti



Den X-Camp

Hues du Loscht eppes neies op engem Camp auszeprobeieren? Esou eppes waats du nach nie mat den Scouten gemaach hues? Iwert den Programm gess du naicht virum Camp gewuer. Mir kennen nemmen soen, et gett flott an mir wärten vill Spaass hun. Maach dech op eppes Neies prett mat villen modernen Aktivitéiten, an dofir mell dech och hei un!



Wéini: Vum 20.-21.Abrell 2013

RDV: Moies den 20.Abrell 2013 um 10:00 Auer op der Gare de Luxembourg

Retour: Den 21.Abrell 2013 um 17:00 op der Gare de Luxembourg

Material: Carrymatt, Schloofsaack, Orientationsmatériel (Kompass, Réimer, Scouts-bichelchen, Vademecum, GPS), Gamelle, dem Wieder ugepassten Kleeder (an schwarz Kleeder fir den Lasertag)

Präiss: 35 Euro sinn op den **CCPL LU49 1111 2324 7361 0000 „Les Lions Bleus a.s.b.l.-Explorer** bis spéitstens den **12.Abrell 2013** ze iwwerweisen

Souche: Ass och oofzeginn bis den **12 Abrell 2013**

†



Heimat erlaaben ech

mengem(er) Explorer / Explorette
mat op den **X-Camp**
vum **20.-21.Abrell 2013** matzegoen

Ënnerschrëft vun den Elteren

fir Scouten, Explorer & Rover

INAUGURATION

ët ass sou wäit!

eisen neien eegenen Quartier ass lo endlech färdeg an mir sinn invitéiert fir en mat anzeweihe. Dofir komm mat eis mat an plënner mat eis vum aalen Siège an der Hollerëscher Strooss op den Cents. Mir maachen Samstes eng Aart Cortège an verbréngen dono e flotten owend bei enger Veillée mat Sketcher, an hun dono e Concert mat zwou lëtzebuerger Gruppen. Sonndes lèiers de den neien Site kennen, an bass mat bei den Anweihung dobai wou mir dem neien Quartier an der Scoutsbranche e kleng Kado wärten iwwerreechen. Explorer & Rover maachen en Tour ëm & um Terrain...

Op allenfall soën mir do just: NËT VERPASSEN!!!

Wéini?

4.-5.MEE 2013

Start?

Samstes, den 4.05.2013 um 15:00 Auer um Parking Carré Rotondes
(1, rue de l'Acierie L-1112 Hollerich) an tiptoper Uniform

Fin?

Sonndes, den 5.05.2013 um 16:00 Auer beim neien Siège vun der FNEL um
Cents (61, rue des Trèves L-2630 Luxembourg)

Praiss?

20€, ze iwwerweisen op den Konto: Les Lions Bleus-Rover
(CCPL IBAN LU22 1111 7017 2426 0000) mat der Mentioun "Explo'13+Numm"

Souche?

Ass oofzeginn bis **allerspéidstens den 20. Abrëll 2013!!!**

Waat muss du matbréngen?

Schloofsaack/Carrymatt fir dobaussen, Gamelle/ Kichenduch, Bidon, Täschenluucht, dem Wierder ugepasst. Kleeder... **All Scout soll een hellen unifaarwegen T-shirt matbréngen!!!**

Waat muss du nach wëssen?

Ass déng Souche & däin Geld nët zur Zäit dobannen,
kënnen mer dëch gären nomellen bei der FNEL,
mee dann kascht den Spaass 24€!!!

Heimat erlaaben ech _____
mengem Scout, Explorer, Rover _____
um dësjähregen EXPLO Inauguration vun der FNEL vum 04.-
05.05.2013 deelzehuelen.



NEIEN QUARTIER

fir Beaver&Wëllefcher

ët ass sou wäit!

eisen neien eegenen Quartier ass lo endlech färdeg an mir sinn invitéiert fir en mat anzeweihen.

Jiddereen soll dobai sinn, op kleng oder grouss...

Du wäerts den ganzen Daag iwwer dech op engem riisegen Spillfeld duerch baal 100Joër FNEL an d'Geschicht vum ale Siège an vum neien Quartier bewegen. Waat do genee geschidd ass awer e grousst Geheimnis :)

Op allenfall gët et een riesen Spaass an mir soen do just: NET VERPASSEN!!!

Wéini?

5.MEE 2013

BEAVER haaten schon den 20.Abrëll hier privat Inauguration, duerfen awer haut och gär nach emol mat hieren Elteren laanschtkommen tëscht 10-16:30...

Start?

Sonndes, den 5.05.2013 um 10:00 Auer beim «Schwaarzen Haus»
(167,rue des Trèves L-2630 Luxembourg) an tiptoper Uniform

Fin?

Sonndes, den 5.05.2013 um 16:00 Auer beim neien Siège vun der FNEL um
Cents (61,rue des Trèves L-2630 Luxembourg)

Praïss?

10€, ze iwwerweisen op den Konto: Les Lions Bleus-Rover
(CCPL IBAN LU22 1111 7017 2426 0000) mat der Mentioun "Explo'13+Numm"

Souche?

Ass oofzeginn **bis allerspëidstens den 20.Abrëll 2013!!!**

Waat muss du matbréngen?

Gamelle/ Kichenduch, Bidon, dem Wierder ugepassten Kleeder...

Waat muss du nach wëssen?

Ass déng Souche & däin Geld nët zur Zäit dobannen, kënnen mer dëch gären nomellen bei der FNEL, mee dann kascht den Spaass 12€!!!



Heimat erlaaben ech _____
mengem Wëllefchen _____ um
dësjähregen EXPLO Inauguration vun der FNEL den 05.05.2013
deelzehuelen.

Sortie - Parc Merveilleux

Beaver



Komm mat an d'Welt vun den Märecher!

Wanns du wells een ganzen Daag, dei schéinsten Märecher entdecken, dei leifsten Déieren gesinn, heemelen an se souguer fiddere? Dann komm mat eis an den Beetebuerger Park!

R.V.: 11.Mee 2013 um 11:00 Auer virun der Entrée vum Beetebuerger Park (Parc Merveilleux)

Schluss: 11.Mee 2013 um 16:00 nees virun der Entrée vum Beetebuerger Park

Waat brauch ech? Dem Wieder ugepassten Kleeder (falls Sonn: Kaap & Sonnencreme), **!!!PICKNICK fir mettes!!!**

Praiss? **8 Euro** sinn bis den **5.05.2013** op eisen Beavercompte mat der Mentioun vum Parc Merveilleux an mam Numm vum Kand ze iwwerweisen! (CCPL IBAN LU87 1111 2571 8942 0000)



Beaverklack,
Lena, Maiti, Nora

Ech _____ erlaaben heimat
mengem Beaver dem _____ den
11.Mee 2013 mat den Lions Bleus mat op d'Sortie
an den Parc Merveilleux ze goen.

Ennerschrëft



PENGSCHTCAMP

fir LX/SG/EX/RO&AM



AN ENGEM WÄIT ENTFERNTEN LAND, DAAT SECH PRETORIA GENANT HUET, GOUF ËT 4 VÖLKER:
MAT LÈIT VUM WAASSER, VUN DER ÄERD, VUM FEIER AN VUN DER LOFT. ENNERT HINNEN GET ET AWER
VERSCHIDDEN LÈIT, DÉI MAT HËLLEF VUN ENGER ZAUBERKRAFT HIERT ELEMENT
KËNNEN KONTROLLÉIEREN AN STEIEREN. LEIDER GINN D'VÖLKER SOU ËNNER-
DRÉCKT VUM FEIERVOLLÈK, DAAT VERSICHT DÉI AANER 3 ZE BEHERRSCHEN.
MAT GROUSSEN MASCHINNEN PROBÉIEREN SIE D'LÄNNER VUM WAASSER,
LOFT AN ÄERD ZE EROBEREN. KEEN KANN SËCH HINNEN ENTGÉINT
STELLEN! SOUQUER NET DEN ULTRA SUPERGURU 'AVATAR' DEEN DÉI 4
ELEMENTER KONTROLLÉIEREN AN BEHERRSCHEN KANN, AN ESOU DEN
FRIDDEN BRÉNGEN KÉINT, ASS SPUERLOS VERSCHWONNEN...
HEI ASS ELO DÉNG HËLLEF GEFROOT!!! HËLLEF DEN VÖLKER AUS PRETORIA
DEN 'AVATAR' ERËM ZE FANNEN, FIR D'FEIERVOLLÈK KËNNEN ZE BESIEGEN
AN SOU NEES KËNNEN FRÄI ZE LIEWEN! GÉI MAT OP ENG REES DUECH FEIER, WAASSER, WAND AN ÄERD
AN LÉIER SOU NEI GEFOOREN & ABENTEUR KENNEN!

Wéini? --> SAMSTES, DEN 18.MEE 2013

SCOUTEN, EXPLORER & ROVER (SG/EX/RO): RV UM 09.00 AUER OP DER GARE CENTRALE DE LUXEMBOURG

Wëllef (LX): RV UM 14.00 AUER OP DER GARE CENTRALE DE LUXEMBOURG

RETOUR fir jiddereen? --> DËNSCHDES, DEN 21.MEE 2013

RV UM 16.00 AUER OP DER GARE CENTRALE DE LUXEMBOURG

Präiss?

50€, SINN ZE IWWERWEISEN BIS SPÉIDSTENS DEN 15.05.2013

OP DEN COMPTE: LES LIONS BLEUS-ROVER (CCPL IBAN Lu22 1111 7017 2426 0000)

MAT DER MENTION "PC'13+NUMM VUM PARTICIPANT"

MATERIAL?

SCHLOOFSACK & CARRYMATT FIR DOBAUSSEN, SCHWAMMSAACHEN, GAMELLE & KICHENDUCH,
TÄSCHENLUUCHT, BIERGSCHONG, LIICHT SCHONG, WÄSCHSAACHEN, PIJAMA, DEM WIEDER UNGEPASSTEN
KLEEDER & ERSATZKLEEDER, DEM WËLLEFCHEN SÉNG 5 SAACHEN...? --> JUMBOSKAART, EGO-KAART
ODER 2 ROUD TICKETS.

Souche?

D'SOUCHE ASS OOFZEGINN BIS SPÉIDSTENS DEN 12.05.2012!!! DONO GEET KEEN MÉI MAT :(



//////// 4 ELEMENTER - SOUCHE fir den Paischtcamp 2013 - 4 ELEMENTER //////////

HEIMAT ERLAABEN ECH MÉNGEM WËLLEFCHEN / SCOUT / EXPLORER / ROVER

..... UM PËNGSCHTCAMP

VUM 18.-21.05.2013 DEELZEHUELEN, IWWERWEISEN

D'SUEN AM DÉLAI AN REECHEN D'SOUCHE MAT ZAITEN AN.



ËNNERSCHRËFT.....

Souche Faackelzuch



FAACKEL ZUCH 2013

Wéi all Joers sin mir um Vierowend vum
Nationaldeierdaag um Faackelzuch
vertrueden.

Mit treffen ons Samstes, den 22. Juni um
20:30 Auer
bei der Metzlererei Kaiffer op 77 Grand Rue
L-1661 Letzebuerg



Waat brauch de Beaver, de Wëllefchen, de Scout, d'Guide, den Explorer, de Rover,
d'Amicale an natiirlech net ze vergiessen eis léif Comitésmemberen??

**Richteg! eng TIP TOP Uniforme
mat enger donkelbloër Jeans-Box
mat engem Uniformshiem / Foulard
en Lions - Bleus - Sweatshirt an eng LBB-Kaap**

**OPGEPASST: Daat ganzt huët och en Enn, an dén fënt sech erëm béi der
Mëtzlererei Kaiffer um 23:00 Auer**

D'Souche as bis spéitstens den 15/06/2013 béi dëngem Chef oofzegin!!!

Wéi all Joërs sin d'Lions Bleus och mat hierem Grillstand do vertrueden!!!

Jo ech.....

Gin och dëst Joër mat op de Faackelzuch.
Ech sin mat Zäiten, an tiptopper Uniforme um Rendez-vous

.....
Elterenënnerschrëft



NATIONALFEIERDAAG

Lions Bleus Grillstand

Kommt alleguer bei eis e
gudden

**Lions-Linger &
Mett-Wirscht**
op echtem Holzgrill iessen :)

**22.Juni 2013 ab 12
Auer**



fnel
scouts & guides

*Dir sidd angelueden op
eist traditionellt Leiwentfest!!!*

*Samstes 20th of July at 18:30
fifties style clothes, fun, food, music & much more!!!*

*more News?!!?
next Wandrous*



SAIL 2013 an Holland

fir SG/EX/RO

Mir sinn elo zu **39/40!!!**



mat dobai sinn:

SG_Pitt S.,Max,Joachim,Charel S.,Charel J.,

Julien,Sam,Felix,Justin,Aleksis,Isaac,

Sophie,Sarah,Harry,Mona,Ketty&Esteban

EX_Catherine,Samuel,Adrien,Mika

RO&CH_Atra,Ludovic,Tamia,Christophe,

Nekkel,Mauro,Tameng,Tahr,Eric,Grizzly,Yuko,Lena,

Maiti,Prunelle,Michel,Soa,Maki&Racoon...& N°40???

Wéini ? Freides owes 02.08.2013 - Sonndes owes 11.08.2013

Präiss ? Acompte 1&2 = 2*150€ (bis den 1/01 & 15/01/2013) /// Acompte 3 = 150€ (bis den 30/06/2013)
op den Compte vum Fischer Manon (CCPL IBAN LU69 1111 1943 4251 0000)

Baacksortie ? --> MERCI, MERCI MERCI am Numm vun der ganzer Segelmannschaft, fir dat dir EIS
sou gudd ënnerstëtzt hudd an eis lecker Kichelcher kaaf haat, an mir hoffen sie hun gudd geschmaacht :):):)

Nach 1 Plaatz fir mat op den Camp... --> AVIS AUX AMATEURS...

Camp T-shirt ? Hei deelen mer nach an nächster Zäit een Ziedel aus mat engem Coupon-
Réponse, wou dir eis är Gréisst matdeelt an awer och d'Mëiglechkeet kritt een 2./3./4....matzebestellen zu
ären Laaschten :) **Affaire à suivre...**

SAIL'crew 2013 sail@lionsbleus.lu



Programm BEAVER

BV Programm



Abrëll

- 1.-3. Ouschtercamp mat den Gengen
- 13. Beaverversammlung 14:00 - 16:00
- 20. Beaver On Tour
- 27. Beaverversammlung 14:00 - 16:00

Mee

- 04. Beaverversammlung 14:00 - 16:00
- 11. Sortie - Parc Merveilleux
- 18. keng Versammlung
- 25. keng Versammlung

Juni

- 01. keng Versammlung
- 08. Beaverversammlung 14:00 - 16:00
- 15. Beaverversammlung 14:00 - 16:00
- 22. Faackelzuch
- 29. Beaverversammlung 14:00 - 16:00

Juli

- 06. Beaverversammlung 14:00 - 16:00
- 13. keng Versammlung
- 14. Pow-Wow
- 20. Leiwenfest

Schéin Vakanz!



Beaverklack

Lena, Maiti, Nora

ABRËLL

06.04.	Vakanz --> keng Versammlungen	
13.04.	Versammlung	14:00-16:00
20.04.	Versammlung	14:00-16:00
27.04.	Versammlung	14:00-16:00



MEE

04.-05.05.	Explo inauguration nouveau siège fédéral	
11.05.	Versammlung	14:00-16:00
18.-21.05.	Pëngschtcamp	
25.05.	Vakanz --> keng Versammlungen	

JUNI

02.06.	Vakanz --> keng Versammlungen	
08.06.	Versammlung	14:00-16:00
15.06.	Sortie	
22.06.	Faackelzuch	
29.06.	Versammlung	14:00-16:00

JULI

06.07.	Versammlung	14:00-16:00
13.07.	keng Versammlung	
14.07.	Pow-wow zu Diddelèng	
20.07.	Lèiwefest	



Deng Meutecheffen:

Prunelle/ Breeze/ Sophie/ Michel/ Claude

Programm Troupe

den SG - Programm

ABRÉLL

- 4.-6. OUSCHTERCAMP
- 13. Patrullenversammlung
- 20. Patrullenversammlung
(Leadershipversammlung vum Yann)
- 27. Truppenversammlung

MEE

- 4.-5. EXPLO Inauguration Nouveau Siège fédéral
- 11. Patrullenversammlung 14:00-16:00
- 18.-21. PËNGSCHTCAMP
- 25. keng Versammlung --> Vakanz

JUNI

- 1. keng Versammlung --> Vakanz
- 8. LEADERSHIP SORTIE
vum Sarah, Max & Yann
- 15. Truppenversammlung 14:00-16:00
- 22. FAACKELZUCH
- 29. Patrullenversammlung 14:00-16:00

JULI

- 6. Truppenversammlung 14:00-16:00
- 13.-14. POW-WOW
- 20. LÉIWENFEST
- 16.-14.09 SUMMERVAKANZ

SUMMER-CAMP 2013

--> SAIL

--> 02.08.2013-11.08.2013!!!



Lex / Tamia / Christophe / Nèkkel / Mauro / Ludovic

Programm Explorer

EX - Programm:



Abrëll

02-06.4.13	FNEL Berlincamp 2013	
13.4.13	Explorerversammlung	14-16 Auer
27.4.13	Explorerversammlung	14-16 Auer

Mai

04-05.5.13	Explo Fnel Inauguration QG	
11.5.13	Explorerversammlung	14-16 Auer
18-21.5.13	Paishtcamp zu ????	

Juni

08.6.13	Explorerversammlung	14-16 Auer
15.6.13	Explorerversammlung	14-16 Auer
22.6.13	Faackelzuch + Grillen	
29.6.13	Explorerversammlung	14-16 Auer

July

06.7.13	Explorerversammlung	14-16 Auer
13-14.7.13	POW WOW zu Dideleng PR	
20-21.7.13	Leiwefest	

August

02-11.8.13	Sail 2013 an Holland	
------------	----------------------	--



Fir d'Unitéit : Tameng, Tahr, Fennec, Laurent

Rapport Schlittschongsortie

vun der Meute



Um 10:00 Auer moies hun mir eis um Parking vun der Kockelscheier getraff. Et war kaal dobaussen, et huet geschneit an gereent, mee eis tapfer Wëllef hun dës Minustemperaturen awer gudd gemeeschtert :) Den Daag hun mir ungefaang mat e puer klengen Spiller an der Patrull sou dat jidderengem séng Féiss net ganz konnten enfrëieren;) Schnell kruut och jiddereen Honger, an d'Cheffen kruten dunn den Herr vun der Cantine iwwerried eis eng Platz ze iwerloossen, wou mir dann am Waarmen rem zu Kräften komm sinn. Nodeems dass eisen Bauch rem voll war, sinn mir rem an d'Keelt gaangen fir dem Eisbier ze hëllefen sein Wee eremzefannen. Den Eisbier huet sech nämlech verlaaf an wusst net mèi wéi en Heem kommen sollt. Sou hun d'Wëllefcher dem Eisbier konnten hëllefen andeems se him dann verschidden Hinweiser an Spueren geluecht hun, an esou konnt en sein Wee an sein Reservoir zeréckfannen. Den Eisbier gouf mat grousser Freed empfaange, an d'Wëllefcher waren frou dann endlech kennen op d'Eispist ze goen, no engem laangen an kaalen Daag. No eiser grandioser BA ass et dunn och endlech lassgaangen mam Schlittschong fueren. Jiddereen huet séng Schonggrësst ungin an no laangem hin an hier haat dunn och jiddereen séng passend Schong fonnt. Wéi mer dunn och schnell festgestallt haaten, waren mer laang net déi eenzeg op der Schlittschongsspist. Opwuel net méi sou vill Platz op der klenger Schlittschongsspist war, huet sech jiddereen awer gudd amüséiert an verschiddener konnten sech an der enger Stonn ëm en gudd Stéck verbessern. Eis Zeit war awer limitéiert an sou hun mer dann och irgendwann rem missen ophaalen. Et war guer net méi sou einfach jidderengem séng Hännchen, Mutz an ...erëmzefannen :) Dono sinn d'Elteren d'Kanner dann bei d'Eispist sichen komm an dunn ass et bestëmmt an eng gudd waaarm Buerdbidden gaangen;)

Michel & Sophie



Rapport Baackversammlung

vun den Scouten/Explorer&Kover

Den 23. Februar hun mir eis moies um 9 Auer all beim Home getraff fir Fueskichelcher ze baacken. Mir sinn an Gruppen an sou och an d'Atelieren opgedeelt ginn. D'Atelieren waren Deeg maachen, den Deeg formen an frittéieren, Etiquetten maachen an d'Kichelcher an Tuuten anpaacken. Mir hun déi Atelieren regelméisseg gewiesselt, esou dass jiddereen alles mindestens eng kéier maachen konnt. Nodeems mir an der Mëttesstonn Nuddelen giess hun, hun mir dono nees weider mat den Atelieren gemaach an ët sinn och puer Gruppen gemaach ginn, déi duerch Hamm & Bouneweg getrëppelt sinn fir Fnel-Kalenneren an eben Fueskichelcher ze verkaafen. Wéi mir den Deeg all verbraucht haaten hun mir ungefaangen mat opräumen an spullen. Um 6 Auer sinn d'Tuuten all opgedeelt ginn an mir sinn rëm Heem gaangen. **Sophie**



Ët gouf gudd geschafft, bestallt an verkaaf...

Sou haat d'Friteuse dëst Joër nees keng Chance kaal ze ginn, an huet eis eng 2'300 wonnerschéin ronn an hoffendlech och lecker Fuesbullen gezaubert!

Dobai duerf een net vergiessen, dat daat lo just déi sinn déi verkaaf goufen, also soën mer mol einfach 2'500 Stéck. Dèi mer dann nächst Joër versichen ze toppen!



Mir wëllen awer dann och hei op dësem Wee all deenen Léit nach emol MERCI soën déi eis nees ënnerstëtzt hun, an eis soumat keng Paus gegönnt hun :)

Rapport Fuesparty

vun der Meute



Den 23. Februar 2013 haaten d'Wëllef am Home hier traditionnell Fuesparty. Um 2 Auer ass daat grousst Fest lass gang an jiddereen koum sou mat senger wonnerschéiner Verkleedung. Dest Joer waren nees d'Piraten, d'Prinzessinnen, d'Punk'er, Zauberer an nach vill aaner Gestallten mat dobäi. Wéi op all Party gouf hei gefeiert, gudd gedronk an giess. Fir d'alleréischst gouf et een gudden Cocktail an lecker Chipsen. No der klenger Stärkung ass et dun nees weider gaangen mat klengen Spiller wou dono jiddereen gudd drop wor an mir dun sou vill gedantz bis et net méi gaangen ass.

Irgendwann gouf et dann eng lecker Schokolatsfondue, wou

d'Kanner sech drop gestierzt hun. Um 17:50 wor dunn awer leider och schonn eriwwer mam feieren. Et wor eng gudd Stëmmung an et gouf vill gelaacht an gespaast. Zum Schluss kruuten déi déi wollten nach hiert Gesiicht ungemoolt. Um 18:00 wor dun défintiv Schluss an am groussen an ganzen wor et eng witzeg Versammlung an ech freeën mech schon op nächst Joer! :) **Prunelle**



Rapport Leadershipversammlung

Rapport vum Max Majerus

Formationsversammlung 9.3.2013



Mir hun eis um 2 Auer beim Home getraff, wou mir dann fir d'éischt an den Carré gaang sinn. Dono sinn mer bei d'Feierplatz gaang, wou ech hinnen dann alles erklärt hun an dun haat ech d'Saachen ausgedeelt. Nodeems ech alles erzielt an erklärt haat, hun mer ugefang. Ech hun sie an Gruppen opgedeelt, an deenen sie dono geschafft hun. Fir unzufanken hun mir ët mam Magnesium probéiert, waat am Ufank e bëssen schwierig wor wéinst der Loft. Wou sie dun färdeg waren mat probéieren, hun ech hinnen nach déi verschidden Feieraarten (Kachfeier, Lagerfeier,...) gewisen an erklärt. Well mir nach gudd an der Zäit waren, konnten sie sëch nach weider amuséieren d'Feier op verschidden Art an Weisen unzekréien. Dono hun mir ungefaang anzeraumen an ze botzen, ier mir an den Carré geruff goufen, fir d'Versammlung oofzeschléissen. Dann hun ech nach schnell den Rescht geraumt an war frou, dass méng Versammlung gelongen war.

Max Majerus



Rapport Rover - Quiz

Rapport vum Soa



Ganz am Thema vum haut sou beléiften Amerika, hun d'Aigles aus dem Rollengergronn den Roverquiz 2013 organiséiert.

Eier et richtig lass goen sollt, sinn mir mat selwer gemachten Hamburger verwinnt ginn, an konnten eis sou schon mol op d'Thema anstëmmen.

Wei et dunn sou wäit wor, huet den Georges Krombach den Cowboy op der Bühn ginn, an och sou den ganzen Owend geleet.

Déi 110 Rover aus 11 verschiddenen Gruppen hun sech an 8 Equipen opgedeelt. Mir woren mat 9 Lions Bleus an engem schwedeschen Scout gudd vertraueden. Déi ganz Soirée wor mat verschiddenen Zorten un Froen opgebaut. Sou gouf et Buzzer-Froen, ABC-Froen an och Froen wou mer eng Äntwerten-Lëscht erstellen missten. Nieft deem méi drëschenen Deel haaten mir och d'Méiglechkeet op méi aktiv Art an Weis Punkten ze sammeln. Sief et duerch en Loft-Guitar-Battle, Cola schmaachen/ennerscheeden oder Neel anschloen. Fir d'Buzzer-Froen haaten d'Aigles extra selwer gebauten Buzzer gemaach. Allerdéngs wollten dës am Ufank vum Owend net sou wierklech matspillen.


Duerch eng kleng Noutoperatioun, konnten die rout Kneppcher, no der Hallefzäit dann awer an den Ansaatz kommen. Duerch den Ansaatz vun eisen 10 Käpp, dem Nekkel senger Bühnenshow, dem Nora säin Ëmgang mat Schallimot'en, dem Tameng seng fléck Hänn mam Hummer an fläissegem buzzeren, hun mir et dest Joer op déi 3. Platz gepackt. Déi éischt Platz ass un d'Dippecher Dachsen gaangen, sou dass mir eis schon op deen nächsten Roverquiz bei hinnen freeën.

E puer Mëssverständnisser konnt déi gudd Stëmmung vum Owend net knécken. Sou war dëst alt rëm eng gudd Geleeënheet fir dass och d'Rover en flotten Owend zesummen verbréngen konnten. An dofir sinn mer schon op d'nächst Joer gespaant an hoffentlech rëm sou gudd vertraueden.

DACHSEN mir kommen!! SOA

Dem LIB séng Sait

Léier en neit Spill



Déng Aufgab:

All orange Feld ass mat Zuelen vum 1-6 emkreesst.
Awer emmer esou, dat niemols eng gläich Zuel niewend
der aanerer steet!

z.B. Duerf eng '6' net un eng '6' ungrenzen...

VILL SPAASS heimadder :)
alias LIB...

E SCHÉINEN BONJOUR vum LINUS un d'Lions Bleus.

Den klengen Mann ass Ufank März op d'Welt komm an mecht lo dèi kleng Famill zu Hierber komplett.
2*LLH seet een do wuel....

Mir am Numm vun all den Kanner, Cheffen, Comité, Amicale an Frenn vun den Lions Bleus wenschen hinnen op hierem Wee all Gudds & virunallem vill Freed zesummen an der Zukunft.

GROUSSEN MERCI

Un d'Mäinzelmännercher (alias Amicale), dèi an eisem Home dem groussen Sall am neien Deel en flotten neien Ustrach verpasst hun.
Mir sinn lo vum zaarten Orange op een ganz agréabelt kaki/blanc cassé iwwergaangen.
Werri sexiiee :)

KALENNER 2013

Jo en ass nees do, den neien FNEL's Kalenner fir d'Joër 2013. E wichtegt Stèck, daat an kengem Haus dierf feelen. Praktësch ass en och nach dobai, well dir kënnt Iech all d'Lions Bleus Datumer hei dran vermierken wéi och är Privat.

Wou krid een daat gudd Stèck?

Natiirlech am Lions Bleus Shop fir ganzer 5 €.

Dat mer nèt drop sëtzen bleiwen ginn ët just 100 Lions Bleus Exemplairen. Dofir maach dech schnell op Bouneweg :)



!!! OPRUFF !!!

Denk drun Photoen eranzeginn (egal op aal oder nei) fir dat mer e flotten LionsBleus-Photoarchive kënnen opbauen.
Schéckt dës ganz einfach op (foto@lionsbleus.lu)
oder gidd mer se direkt per CD oder Stick...


TAHR



LIONS BLEUS SHOP

Den Lions Bleus Shop ass fir nächst op vun 15h45 - 16h15 den:

20/04/2013
11/05/2013
08/06/2013
06/07/2013



EMYS

P.S. --> Mir hun fir den Wanter well och Mutzen, kommt Ierch se ukucken :)

LBB SECOND HAND

Ab 2013 hun mir en Second Hand Shop, wou jiddereen sèng aal/nei Saachen kann versichen un den Mann/Fra ze brèngen. Dir fannt den Link bei eis op eiser Internetsäit op www.lionsbleus.lu
Zweck vun der ganzer Geschicht: All Scout op jonk oder aal huet emmer nach brauchbar Saachen doheem, an kann se op desem Wee villäicht engem vermaachen deen des brauchen kann.

et schengt

et schengt

- 01) wéi wann verschidden Léiwen ëmmer méi gréng géifen ginn
- 02) wéi wann eisen groussen Sall en neien Look kritt hätt
- 03) wéi wann dësen duerno direkt vun engem Member mat enger Party angeweiht gouf
- 04) wéi wann d'LBB an déi Greng Scouten sait kuerzem "méi no" mateneen zesummeschaffen
- 05) wéi wann eist Lama an séngem zaarten Alter gemengt hätt Béierfässercher ze kaafen ewéi fir eng Klassenfriess
- 06) wéi wann mir dëst Joër an Techuana massiven Schnéi op den Stroossen hun missen versichen ze bewältegen
- 07) wéi wann eisen Bommenleer lo och säin Onwiesen zu Villach an den neien Thermen gedriwwen hätt
- 08) dat mir all Joër an Techuana een Chalet untreffen dien piccobello geraumt, nett an sauber ass
- 09) dem Indiana Jones séng Gehilfen (Scouten) um Wanterlaaf um Juckelsplateau eng Rei Aventuren erliewt hätten
- 10) wéi wann mir well en Skilehrer bei eis am Grupp hätten, extra fir den Perfectionnement am Déifschneé
- 11) wéi wann mer dëst Joër extra den groussen Véihunhänger fir eist Pony mat an Techuana haaten
- 12) wéi wann d'Lions Bleus Nowuëss kruuten an elo en neien Mini-Member hätten
- 13) wéi wann Maison Relais Larri Farri zu Mauerbreck virun e puer Deeg Besuch vun enger Schwuler Koppel krut
- 14) wéi wann Techuanaéquipe dest Joer hier Rees mat manner Personnel ugetrueden ass
- 15) wéi wann e komeschen Hirsch de Geck mam grouse Bier gemaat huert
- 16) wéi wann 2 Geeschter hiert onwiesen am Home géifen dréiwen
- 17) wéi wann d'Home an der Polvermillen gefrot wier
- 18) wéi wann den Daachdecker no villen Solaranlagen démnächst op Bouneweg géif kommen
- 19) wéi wann Déiren aus dem Bësch erëm e Grond hun fir ze féiren
- 20) wéi wann d'Lions Bleus d'nächst Joer 100 Jaar bestoen géife féiren
- 21) wéi wann de Klappschwanz erëm Totemiséiert hätt

et schengt net nemmen

et schengt net nemmen

- 01) wéi wann säit Brugge déi Gréng an déi Blo d'Fangeren nët vuneneen loossen kënnen
- 02) wéi wann sech der do e puer Rendez-Vous am Home ginn hätten fir nei unzesträichen
- 03) wéi wann déi fläisseg Aarbëscher géingen hoffen, dass de Lama nët zevill op d'Mauern spaitzt
- 04) wéi wann do säit kuerzem géif e Feierchen knisteren
- 05) wéi wann déi Fässer mat deem leckeren Béier absolut guer nët an eis super PerfectDraftZaap gepasst hätten
- 06) wéi wann mer dofir eng Formation continue kruuten an: Wéi leen ech méng Schnéiketten op (1.kéier fir Techuana
- 07) wéi wann dës Mëttwochs an der Fuesvakanz huert missen evacuëiert ginn, mat deenen 750 Schwämm&Saunagäscht
- 08) dat Techuanateam deenen aaner Locatiren anscheinend dofir Reinigungs- und Desinfektionsgebühren géif verrechnen
- 09) wéi wann een déi Aventure-Posten nach ëmmer do ufënnt, wéi zB d'Pyramid
- 10) wéi wann dës d'Hindernisser nët sou eecht geholl hätt, well séng Box den Baam ganz vill gär haat
- 11) wéi wann d'Pony awer nees gebockt hätt an léiwer ouni eis op d'Pist gefuer wier
- 12) wéi wann en weideren LLH séng Kummer zu Hierber géif bezéihen
- 13) wéi wann d'Personal ganz duercheneen war wou déi no hierem Kand gefrot hunn
- 14) wéi wann déi aal Huesen et genoss hunn a missten net de ganzen Zäit hier Kaste laafe loos "Dier zou"
- 15) wéi wann déi géif SMS schécken a matdeelen dass si erëm Spagettissauce vergies hätten
- 16) wéi wann daat keng dommer wieren a fier den PREMIERSEXAMEN géife léiren
- 17) wéi wann ons Home iwwert déi nächst Méint ausgebucht wier
- 18) wéi wann et am Juni esou wäit wier dass den Daach vum d'Home mat enger néier Isolatioun emmantelt géif gin
- 19) wéi wann de Fuuss richteg an der Déiren Privat gelies huert dass d'Schildkröt an den Capoeira sech verlobt hun (Alles guddes vum Fuuss)
- 20) wéi wann de Comité „Honnert“ schons opgereege ass seng Ideen an de Comité présentéieren ze kommen
- 21) wéi wann hien daat eegenmäschteg décidéiert huert an de Clan vun dem aaneren Grupp emol net gefrot huert

Melle Meyer Arlette - MM Majerus Tina - MM Majerus Evelyne - Melle Goergen Simone - M. Thibo Charles - MM Jenin-Thomé - MM Fay-Bisdorf - Maki & Manul - MM Majerus Patrick - MM Schaack-Hirsch Albert - Anonyme - Mme Federmeier Berthe - M. Grün Joe - M. Schintgen Claude - MM Heinen G. + Sendel Denise - M. Rohmer Kevin - Famille Reiners

D' Wandrous no 342 as zesummengesatgin a fortgeschéckt gin: Troupe an Explorer

Un der WANDROUS N°343 hun matgeschafft:

LIB / Maîtrise Beaver - Wëllef - Scouten a Explorer / Sophie / Michel / Prunelle / Max Majerus / Soa / Kodiak a Tamia

Programm Wandrouns

den 3Meint-Programm

abrëll'13			mee'13			juni'13		
Me	1	Ouschtercamp BV	Më	1	Permanence	Sa	1	
Dë	2	EX-Camp zu BERLIN (FNEL) Ouschtercamp BV	Do	2		So	2	
Më	3	EX-Camp zu BERLIN (FNEL) Ouschtercamp BV	Fr	3		Me	3	
Do	4	EX-Camp zu BERLIN (FNEL) Ouschtercamp SG	Sa	4	EXPLO inauguration (FNEL) fir SG/EX/RO/AM	Dë	4	
Fr	5	EX-Camp zu BERLIN (FNEL) Ouschtercamp SG	So	5	EXPLO inauguration (FNEL) fir LX/SG/EX/RO/AM	Më	5	Permanence
Sa	6	EX-Camp zu BERLIN (FNEL) Ouschtercamp SG	Me	6		Do	6	
So	7		Dë	7		Fr	7	
Me	8		Më	8	Permanence	Sa	8	LS-Sortie vum Sarah,Max,Yann Beaver/Wëllef/Explorer
Dë	9		Do	9		So	9	
Më	10	Permanence	Fr	10		Me	10	
Do	11		Sa	11	BV Sortie 'Parc merveilleux' Wëllef/Patrull/Explorer	Dë	11	
Fr	12		So	12		Më	12	Permanence
Sa	13	Beaver/Wëllef/Patrull/Explorer	Me	13		Do	13	Comité LBB
So	14		Dë	14		Fr	14	
Me	15		Më	15	Permanence	Sa	15	LX Sortie Beaver/Troupe/Explorer
Dë	16		Do	16		So	16	
Më	17	Permanence	Fr	17		Me	17	
Do	18		Sa	18	Pëngschtcamp	Dë	18	
Fr	19		So	19	Pëngschtcamp	Më	19	Permanence
Sa	20	BV on tour (FNEL) Wëllef/Patrull	Me	20	Pëngschtcamp	Do	20	
So	21		Dë	21	Pëngschtcamp	Fr	21	
Me	22		Më	22	Permanence	Sa	22	Faackelzuch & LBB Grillstand
Dë	23		Do	23	Comité LBB	So	23	
Më	24	Permanence	Fr	24	Wandrouseinsendeschluss	Me	24	
Do	25	Comité LBB	Sa	25		Dë	25	
Fr			So	26		Më	26	Permanence
Sa	27	Beaver/Wëllef/Troupe/Explorer	Me	27		Do	27	
So	28		Dë	28		Fr	28	
Me	29		Më	29		Sa	29	Beaver/Wëllef/Patrull/Explorer
Dë	30		Do	30		So	30	
			Fr	31	Wandrousredaktionsschluss			

Allerläscht Wandrouns - Sätt

www.lionsbleus.lu



fne! 
scouts & guides



*Moien Vollek,
ech sin den néien LBB-CamReporter.
Ech sin ëmmer do wou eng laas ass.
Gäre géif ech lech de Film vu menger 40 Joer
Féier wäissen mä léider huert kee gefilmt !!!*



* THAT'S ALL FOLKS